

A Jūms nebūn tēp, kāp mon?

Nuorio aš paklaustē Jūsa:

– A, Jūms nebūn tēp, kāp mon?

Prapol daikts kuoks – nuors pasiosk –

Rasi tiktā – netīčiuom.

Vakar akēnē prapoulē,

Ruods, ont stala palēkau.

Ēiškau pastalie, pu soulo,

Nerondo, – kor ožkēšau?

Sopīkau, – ē nebēiškuojau.

Pu kēik laika... kap manā, –

Čiopt ož galvuos; – vo to jetau –!

Ont pakaušē akēnē!

Rek kor eitē – nebie raktu,

Juk unt gēmbēs kabēnau.

Šuokiniejo, kāp patrakus,

Kor ēiškuotē – nebžēnau.

Prapol kartās telīpuons,

Tašēs verto ē kēšenēs.

Ont lēntīnas gol, kāp puons,

Joukas tēkra ons ēš monēs.

Pasakīkēt, žmuonis brongē,

A, če cūdā, a žiuoploms?

Ar aš vēina neberondo?

A Jums nebūn tēp, kāp mon?